



Projetu Observasaun ba Parlamentu

Relatoriu Parlamentu Nasionál: Juñu 2010

Part 1: Aktividade Plenária nian

a. Infomasaun jeral:
<u>Plenária lao laron saída?</u> <ul style="list-style-type: none">• 1 Juñu 2010• 7 Juñu 2010 (parte dader deit)• 8 Juñu 2010• 22 Juñu 2010• 23 Juñu 2010 (Plenária extra ordinária ba orsamentu retifikativu)• 24 Juñu 2010 (Plenária extra ordinária ba orsamentu retifikativu)• 25 Juñu 2010 (Plenária Extra ordinária ba orsamnetu retifikativu parte dader deit)• 28 Juñu 2010
<u>Plenária tuir agenda ka lae?</u> <p>Plenária lao tuir agenda maibé dalaruma komesa tarde, hanesan iha agenda komesa tuku 9 dadeer, maibé komesa tuku 10 dadeer tanbá deputadu sira sei hein malu.</p> <ul style="list-style-type: none">• Iha plenária extra ordinaria ba orsamentu retifikativu, plenária lao tuir oras iha agenda hodi hahu tuku 9.00 dadeer no hotu tarde iha tuku 6.30.• Iha plenária laron 22 komesa tarde tanbá sekretariádu apoiu PN sei fotokópia relatóriu paraser ne'ebé foin finaliza husi komisaun C iha oras 9.00 dadeer.• Iha plenária konabá orsamentu retifikativu iha laron 28 Juñu 2010 plenária hahu tarde tanbá meza Parlamentu Nasionál presija hare didiak no prepara proposta ne'ebé mak submete husi deputadu sira.• Tuir lolos iha laron 21 Juñu 2010 plenária iha, maibé la realiza tanbá komisaun C sei finaliza hela relatóriu paraser konabá orsamentu retifikativu.
<u>Iha deklarasaun polítiku ka lae?</u> <p>Iha fulan Juñu la iha deklarasaun polítiku tanbá okupadu ho orsamentu retifikativu.</p>
<u>Oinsá ho deputadu nia atedementu?</u> <p>Deputadu nia atedementu fulan ne'e diak tanbá sempre priense quorum maske dalaruma plenária sei kontinua tarde, maibé iha sesaun plenária ba orsamentu retifikativu nian deputadu sira quaze marka prezensa hotu no plenária hala'o tuir agenda no hotu tarde. POP tenta atu husu konabá lista atedementu deputadu sira nian iha sekretariádu PN nian, maibé la konsegue hetan tanbá sira okupadu ho foto kópia barak ba material orsamentu retifikativu nian.</p>
<u>Oinsá ho prosesu votasaun?</u> <p>Prosesu votasaun, foti kartaun matak signifika a favor, kontra mean no abstensaun ajul.</p> <ul style="list-style-type: none">• Votasaun jeneralidade ba proposta No.34 /II Kódigu Sivil a favor 32, Kontra 0, no

<p>abstensaun 2.</p> <ul style="list-style-type: none"> • Votasaun jeneralidade ba orsamentu retifikativu 2010 - a favor 39, Kontra 21 no Abstensaun 4
<p><u>Oinsá deputadu sira nia partisipasaun (ativu ka pasivu)?</u></p> <p>Deputadu sira iha fulan ida ne'e ativu liu kompara ho fulan kotuk, iha debate orsamentu retifikativu nian deputadu hotu ativu.</p>
<p><u>b. Informasaun konabá aktividade legislative</u></p>
<p><u>Plenária debatu ka simu proposta lei no projeitu lei saída?</u></p> <ul style="list-style-type: none"> • Proposta Resolusaun No. 37/II konabá Aprova Protokolu Kooperasaun entre Membrus Estadus Komunitade Paizes Lingua Portugueza no Domíniu da Defeza. (Parlamentu simu deit maibé laiha debate 22 Juñu 2010) • Kontinua debate konabá proposta lei No. 34/II Kódigu Sivil (7 Juñu 2010 – votasaun generalidade) • Proposta Lei N 38/II konabá Investimentu Privadu (haruka ba Komisaun A 7 Juñu 201) • Projeitu Lei 18/II Rejimu Jurídiku da Prevensaun no Kombate 'Braqueamento de Capitais e ao Financiamentu do Terrorizmu' (hatun ba Komisaun A 7 Juñu 2010) • Diskusaun jeneralidade no especialidade konabá Proposta Lei No 37/II ne'ebé halo alterasaun Lei No. 15/2009, loron 23 Dezembru 2010 ne'ebé aprova konabá orsamentu jeral estadu da repúblika demokrátika Timor Lésté 2010 (7-8, 14-18, 21-25 Juñu 2010)
<p><u>Iha konsultasaun konabá esbosu lei ka lae?</u></p> <p>Plenária la iha maibé iha sesaun komisaun iha.</p>
<p><u>Iha partisipasaun hosi governu ka lae?</u></p> <ul style="list-style-type: none"> • Konabá orsamentu retifikativu Primeiru Ministru Sr. Xanana Gusmao ho Ministra Finansas Sra. Emilia Pires mak halo apresentasaun konabá orsamentu retifikativu nian iha plenária. (Loron 21 – 25, 28 - 30 Juñu 2010). Sira na'in rua mak halo prezentasaun no membru governu tomak ba asiste. Maibé ministru ida-idak ou sekretária estadu ida-idak responde ba perguntas ne'ebé mak relevante ba sira nia servisu .
<p><u>c. Infomasaun konabá aktividade fiskalizaun/infomasaun diversas/oversight</u></p>
<p><u>Plenária halo fiskalizaun konabá asuntu saída?</u></p> <p>Iha fulan ne'e deputadu sira ko'alia liu konabá orsamentu retifikativu nian no alokasaun orsamentu ba programas sira ministériu governu nian. Maibé sira foti mos konabá asuntu sira ne'ebé mak relevante ho orsamentu retifikativu nian hanesan;</p> <ul style="list-style-type: none"> • Pakote referendum ne'ebé kualidade ladiak bele sai esperensia diak atu halo pakote dezvoltamentu sai diak liu tan • Kresimentu ekonomiko 12% iha Timor Léstes • Prioridade Nasionál Nasionál hanesan: infra estrutura, seguransa alimentar no rekursu umanus • Aloka orsamentu ba sosiadade sivil inklui igreja • Edukasaun no saude nu'udar setór ne'ebé importante atu tau matan ba. • Orsamentu ne'ebé sei aloka ba portu no komponente naval • Beurokrasia ne'ebé naruk iha ministériu ida-idak nian • Bolsu estudu ba estudantes ne'ebé eskola iha rai liur nomos estudantes iha rai laran

- Problema fahe tratór
- Distribuisaun fos MTCI
- Problema Estrada
- Produitu lokal
- Oinsá atu uza kareta governu nian
- Orsamentu ba membrus governu nian hodi halo vizita iha estranjeirus
- Uma ba ex Primeiro Ministru no proklamator
- Salariu ba funksionarius governu nian
- Prosesu Desentralizasaun
- Sistema kontrolizasaun ba servisu governu nian
- Kapasitasaun ba emprezariu lokal
- Deputadu sira husu detallu konabá orsamentu ne'ebé mak ministériu sira uza iha trimesteral 2010 nian.
- Planu estratejiku Premeiru Ministru nian

d. Komentáriu ka análise seluk konabá Plenária nia aktividade?

Iha komentáriu ka análise seluk konabá Plenária nia aktividade?

Iha fulan ne'e membru parlamentu hotu aktivu fo sira nia idea no perguntas ne'ebé kritika ba membru governu, maibé hein katak iha prosesu lejislativu tomak membru PN hotu tenki aktivu nafatin labele iha sesaun OJE nian deit.

Part 2: Aktividade Komisaun A nian

a. Infomasaun jeral:

Komisaun A lao loron saída?

- 2 Juñu 2010 (halo reuniaun iha Aileu)
- 3 Juñu 2010 (halo reuniaun iha Aileu)
- 4 Juñu 2010 (halo reuniaun iha Aileu)
- 9 Juñu 2010 (Comissaun C mak organiza maibé partsipa mos husi Komisaun A)
- 10 Juñu 2010 (Loron tomak)
- 11 Juñu 2010 (Loron tomak)
- 14 Juñu 2010 (Loron tomak)
- 15 Juñu 2010 (Loron tomak)
- 16 Juñu 2010 (Loron tomak)
- 17 Juñu 2010

Komisaun A tuir agenda ka lae?

Iha fulan ne'e Komisaun A nia diskusaun sira lao tuir agenda ne'ebé mak iha, no hotu tarde.

Oinsá atendentu deputadu sira iha sesion komisaun A nian?

Atendentu deputadu sira iha sesaun komisaun A nian, ba fulan ida ne'e diak tanbá sempre to'o quorum.

Oinsá ho prosesu votasaun?

Paraser konabá proposta lei No.37/II konabá orsamentu retifikativu - Votasaun iha komisaun A favor 7, kontra 0 no abstensaun 1.

Oinsá partisipasaun deputadu nian iha Komisaun A (ativu ka pasivu)?

Iha fulan ida ne'e komisaun A hala'o audénsia públika konabá orsamentu retifikativu no deputadu sira ativu hotu kedas hodi husu perguntas no fo opiniaun.

b. Infomasaun konabá aktividade legislative

iha fulan ida ne'e deputadu sira iha komisaun A, okupadu ho audénsia pública konabá orsamentu retifikativu.

Komisaun A debatu ka simu proposta lei ka projeitu lei saída?

Iha fulan ida ne'e Komisaun A simu proposta lei No.37/II konabá orsamentu retifikativu. Husi proposta lei ne'e Komisaun A halo audénsia pública ho ministériu governu nian sira hotu no hamosu paracer ida no vota a favor 7, kontra 0 no abstensaun 1.

Iha konsultasaun konabá esbosu lei ka lae?

Iha fulan ida ne'e komisaun A halo konsultasaun konabá orsamentu retifikativu ho gabinete Prezidencia Repúblika, gabinete procuradora geral Repúblika, Ministru da Admistrasaun Estatal, Komisaun fungsaun pública, Komisaun Nasionál/Nasionál Elisaun, Gabinete Primeiro Ministru/Presidente Konseihu Ministru/Sekretáriu Estadu Konseihu Ministru, Radio no televisaun Timor Leste, no Ministra Justisa.

Presidente Komisaun A mos halo inkontru hamutuk ho CAVR 'working group' (ne'ebé inklui JSMP hanesan membru) atu planu konsultasaun ba esbosu lei rua konabá Instituisaun Memória no Reparasaun.

Iha partisipasaun hosi governu ka lae?

Iha audénsia pública ne'e Ministra, komisariu no director sira husi ministériu no gabinete ida-idak marka nia prezensa iha Komisaun A.

c. Infomasaun konabá aktividade fiskalizaun/infomasaun diversas/oversight

Komisaun A halo fiskalizaun konabá asuntu saída?

Iha fulan ne'e deputadu sira ko'alia liu konabá orsamentu retifikativu nian no alokasaun orsamentu ba programas sira ministériu governu nian. Maibé sira foti mos asuntu rezultadu fiskalizaun ne'ebé mak relevante ho orsamentu retifikativu nian hanesan;

- Pakote referendum ne'ebé kualidade la diak bele sai esperensia diak atu halo pakote dezvoltamentu sai diak liu tan
- Orsamentu ne'ebé sei aloka ba portu no komponente naval
- Burokrasia ne'ebé naruk
- Bolsu estudu ba estudantes ne'ebé eskola iha rai liur nomos estudantes iha rai laran
- Orsamentu ba estudante medicina sira ne'ebé atu fila husi Cuba mai TL
- Problema fahe tratór
- Distribuisaun fos MTCI
- Problema Estrada
- Polítika governu nian atu hasae Produitu lokal
- Oin sa atu uza kareta governu nian
- Orsamentu ba membrus governu atu hala'o vizita iha estranjeirus
- Uma ba ex Primeiro Ministru no proklamator
- Salariu ba funsjonarius governu nian
- Desentralizasaun
- Sistema kontrolizasaun ba servisu governu nian
- Kapasitasaun ba emprezariu lokal
- Relatóriu detallu konabá orsamentu ne'ebé mak ministériu no instituisaun governu sira idak-idak uza iha ezejuta osan ba trimestral 2010 nian
- Deputadu sira pesimista ho ezejuta OJE husi governu AMP

- Presija dezeńu no proposta ne'ebé klaru konabá planu atu halo uma edefisiu ba Ministériu ida-idak nian.
- Presija ezejuta osan ho kuidadu no labele arbiru deit, tanbá ne'e osan povu nian.
- Problema petroliveru
- Governu AMP sosa paz no estabilidade ho osan
- Barakas ou uma ki'ik sira ne'ebé mak halo iha palacio Prezidente nia oin la diak no la iha sentidu artístika
- Orsamentu ba hamos pobreza iha gabinete Prezidente laiha relatóriu ne'ebé klaru no deskonfia uza fali ba interese seluk no la'os ba ema kiak.
- Orsamentu ba asesor internasionál/nasionál makaas.
- Presija iha indepensia no transparensia makas konabá servisu RTTL no TVTL nian

Pontu sira ne'ebé komisaun A foti mos kuaze hanesan deit ho pontus ne'ebé deputadu hotu foti iha plenária maibé, iha komisaun sira ko'alia detallu liu tanbá Ministériu ida-idak mak mai halo apresentasaun konabá ezejuta orsamentu estadu nian.

d. Komentáriu ka análise seluk konabá Komisaun A nia aktividade?

Iha komentáriu ka análise seluk konabá Komisaun A nia aktividade?

Iha prosesu audénsia pública konabá orsamentu retifikativu iha fulan Juñu nia laran, POP hetan autorizasaun atu tuir diskusaun tomak iha Komisaun A nian. POP kontente ho Komisaun A nian hanoin diak atu autoriza POP hodi tuir diskusaun ne'e tomak.

e. Infomasaun jeral konabá Komisaun seluk

Iha infomasaun jeral konabá Komisaun seluk nia aktividade?

Komisaun seluk nia atividade ne'ebé POP hetan informasaun liu husi agenda mak hanesan:

- Komisaun B; Audénsia pública ho Sekretáriu Estadu no gabinete Defeza no seguransa nian no konabá orsamentu retifikativu 2010 no audénsia pública ho Ministériu Negósiu Estranjeirus.
- Komisaun C; Audénsia pública ho Sekretáriu estadu Rekursu Naturais, ANP no BPA. Audénsia pública ho Dekanu Fakultade Ekonómia UNTL, DIT, UNPAZ no UNDIL
- Komisaun E; hala'o visita servisu ba Distritu Viqueque
- Komisaun F; Apresiasaun konabá proposta lei orsamentu retifikativu OJE 2010 ho Ministru Saude.
- Komisaun G; Audénsia pública ho Direitór Jeral RTTL no Sekretáriu Estadu política no enerjética konabá proposta lei orsamentu retifikativu OJE 2010
- Komisaun H; apresiasaun konabá proposta lei OJE 2010 nian.

Atu hetan análise barak liu favor ida haré took públikasaun ne'e:

JSMP anexu dokumentu sira ne'e:

- JSMP, Komunikadu Imprensa, "Lingua Português difikulta membrus Parlamentu Nasionál balun iha debate konabá Proposta Lei Kódigu Sivil", Pública 4 Juñu 2010,
- JSMP, Komunikadu Imprensa, "JSMP realiza programa "Diskusaun Grupu" konabá Justisa Juvenil iha Eskola Pre-Sekundáriu", pública 15 Juñu 2010,
- JSMP, Komunikadu Imprensa, "JSMP Halo Desminasaun Informasaun ba Estudantes 136 iha Distritu Oe-Cusse", Pública 24 Juñu 2010.
- Bele asesu bá website JSMP nian, www.jsmp.minihub.org iha parte PWP nia públikasaun.

Bele asesu bá website JSMP nian, www.jsmp.minihub.org iha parte PWP nia públikasaun.